

經部

欽定四庫全書經部

讀春秋客記卷十二

詳校官監察御史臣沈孫種 給事中臣温常殺覆勘

覆校官中書 臣康儀釣

校對官中書臣王 腾舒監生臣徐步青

璃

というこうたんかう 補春秋客記 則當削其元年不當削其正月 書正月猶之莊二十二年 明 始書正月以謹授時之 年必書正月而以定公 朱朝瑛 娯

今にプロア つき 京師經弟書執不書歸以其不請于王而執之也不 執宋仲幾書于京師明其為王事而執也傳稱歸于 之而不繁正月乎抑變其文而書之乎未知所處也 朔無所承故不書正則改元可以追書而正朔獨不 時以治人事不因人事而廢天時以魯君之不正併 正月而去之無是理也或云定公未立魯國無主正 之書夏五月蓋脱簡也非無事而徒書也聖人授天 可以追書乎且正月幸無事即有之將不書乎將書

夏六月癸亥公之喪至自乾侯 戊辰公即位 請于王而自執之則必不請于王而自治之仲幾之 氏之 再制也李氏曰胡氏引康王延入翼室之事此 罪王無所上下其間雖歸猶弗歸也 後即位故即位在五日之後者定公之循禮也非季 侯五日而殯喪自外至則以初喪之禮治之既殯而 始迎喪歸故喪至在六月之後者季氏之專制也諸 季氏含公之子而立其弟衆論有不協者議久而决

ACTIONS LINE

讀春秋畧記

久十月隕霜殺殺 秋七月癸巳莫我君昭公 為而立公行則國固有適嗣矣季孫舍適嗣不立而 立其弟定公恐人之議己于是而立煬宫岩曰一生 立盖始于此昭公在魯已立公為及其在鄆又點公 番陽萬氏曰楊営者考公之弟也魯之以弟繼兄而 乃柩前之定位非告廟臨群臣之即位也 及此魯之舊制非吾私意也 九月大雩 立場宫

とうこうられたから 秋楚人伐吴 年春王正月 蜀杜氏曰雉門而有兩觀魯之僣禮也聖人譏之因 咎在豫者恒燠應之咎在急者恒寒應之以季氏滔 其事而托義馬何氏曰天子兩觀諸侯! 霜殺教者為昭公怨氣之所感也 天之惡免其誅罰宜有恒燠之災今建酉之月而順 八雅畧記 夏五月玉辰雜門及两觀災 讀春秋客也

冬十月新作雉門及两觀 書此獨書之者魯借天子之禮遇災而不能革乃復 即不得不更為凡御廪及桓僖諸宫災而重作皆不 而更為之也南門無故而新作書之可也此既被災 襄陵許氏曰七書楚伐吳僅能一克于朱方餘皆敗 以終之足以戒矣 而無功書伐不書敗者責其首兵之咎一書吳入郢 延廐書新者因舊而葺之此與南門書新作者去舊

冬仲孫何忌及都子盟于拔做好 三年春王正月公如晉至河乃復 四年春王二月癸巳陳侯吳卒 Na. Jane 111. 月辛卯邾子穿卒 夏四月 晉一却公公遂終其身不復如晉差勝昭公矣 作而新之是謂天變不足畏也故書以譏之 薛氏曰魯以大夫盟諸侯都喪未幾而為盟會交生 之也 賣春火客門 秋葵邾莊公

三月公會劉子晉侯宋公蔡侯衛侯陳子鄭伯許男曹 全なりにたといって 伯莒子邦子頓子胡子滕子薛伯把伯小邦子齊國夏 于召陵侵楚 盛其所以為名必不專為蔡也楚納子朝故以王命 合十八國之諸侯即素服于楚者亦皆來會可謂極 討之而主劉子晉人雖已辭蔡王師實未解也但諸 晉以蔡人之請而謀伐楚乃能上致天子之元老下 侯皆有懈心王師亦不能聲罪致討弟侵之而已春 卷十

歸作 夏四月庚辰蔡公孫姓帥師滅沈以沈子嘉歸殺之女 hada whim 諸侯未嘗加兵于楚而經書侵傳必有所未詳也 秋亦據實而書以見諸侯之為義不力而王臣之不 **台陵之會将以翻強扶弱也今不能鋤強及肆虐于** 會豈得置子朝于度外以蔡事為行止即據左氏傅 能以激諸侯也觀明年王人殺子朝子楚則召陵之 弱國亦自恃其初志矣書滅沈于侵楚之後罪蔡也 讀春秋零記

今してノロ·たノいっこ 五月公及諸侯盟于皋鮑公作 晉之不復能主盟也 諸侯盟于皋鮑如祝阿重丘會盟殊地之例可也又 盟諸侯故書公及汪氏曰會與盟公皆與馬則但書 昭公不見答于晉卒為季氏所逐公懲之而汲汲于 書公及者所以者定公汲汲于後會求為此盟也蜀 亦以罪晉也 之盟春秋不予楚主盟則書公及此書公及亦以著

次世日東 五書 劉卷卒 秋七月公至自會 把伯成卒于會成公八月葵陳惠公 稱公主人之事也 諸侯嗣內諸侯禄生稱爵其禄也卒稱名從正也並 張氏曰不致以侵楚者公以得盟為幸志不在侵也 功皆出于王而劉子特奉行之者也劉氏曰王制外 劉子有大功于王室而書卒與王子虎同知定難之 讀春秋零記 許遷于客城

葬劉文公 晉士鞅衛孔園的師伐解虞圉公 葵把悼公 () E 楚之圍察書人晉代解虞書卿帥師見晉之力可以 得志于楚而不為見小利而忘大義也 劉子之諡必命于王春秋書之無異詞則凡書諡者 囊丸以卿即師而書人者楚勢日衰諸侯復皆外之 自長岸之戰而後楚之伐國皆書人矣 んくご 楚人圍祭

敗續拍公報作拍 冬十有一月庚午蔡侯以吳子及楚人戰于柏舉楚師 · Man Line ! 書蔡侯以者不以却楚之功專與吳也吳習于蠻夷 者諸侯進之也進吳者蔡而諸侯歸蔡之栗則諸侯 是亦一楚也可以一用而不可使逞也吳進而稱爵 皆樂于進吳矣楚戰稱人敗稱師奔稱名明書人 無譏可知 楚囊瓦出奔鄭 讀春火思儿 庚辰吳入郢

金少世屋人 五年春王三月辛亥朔日有食之 賤之非以其将 甲師少也城濮之書人書師殺大夫 與大夫以班處官故復外之而不書蔡以恕蔡之弱 書名其書法正與此同則此為中國復興之機而桓 郢復舉國號者蔡不能制吳而使吳得逞馬至于君 文之故業可以復見也春秋之予蔡者深矣吳之入 不以累察也書郢而不書楚者楚地甚廣所都非 八郢而全楚固無悉也 夏歸栗于蔡

六月丙申季孫意如卒 大三月五十二十一 積春秋暑記 於越入吳 之功而於越又入吳意有所逐而愛有所忘矣 高氏曰闔盧爭入郢之利而於越入吳夫差爭盟晉 以為義遇言近小之事非遠大之義也 已然成陳之下書救陳歸栗之上不書救蔡故穀梁 劉氏日意如逐君而卒之其異于量何也曰量之 不書諸侯與戍陳同義公羊氏云離至不可得序是 遂作 六年春王正月癸亥鄭游速帥師滅許以許男斯歸 秋七月壬子叔孫不敢卒 書卿的師義無褒貶而善惡隨事以見晉之伐鮮虞 者晉之惡昭然矣 絕而惡見者則從同同以者當時之失刑也 君也隠而意如之逐君也明春秋之義固有不待貶 也有加無已一書再書屢書而未有書鮮虞之入犯 冬晉士鞅帥師圍鮮虞

二月公侵鄭公至自侵鄭 人で、日本人はきョー 城胥靡故公為晉討鄭則是役也助晉以與王室也 許之甘心事楚其亡固宜然亦鄭實驅之不得以此 傅稱周儋翩率王子朝之黨因鄭人以作亂于周鄭 為許罪也况召陵之會許已就盟乎大夫而滅國春 子之不會召陵則公孫姓之師似猶有名也 秋所尤惡也許男之不殺則游速之罪似稍輕而沈 于是伐馮滑胥靡負泰狐人闕外晉閻沒將戌周且 讀春秋畧記

そうちをう 合言 夏季孫斯仲孫何忌如晉 故不書伐而書侵此傅明言討鄭之伐胥靡而鄭伐 師也 是八十年而後一侵鄭再侵齊皆書公此三桓既微 言之耳盧陵李氏曰自宣十八年書公伐祀之後至 然不能聲罪致討弟迫于伯令而為此以塞其意耳 胥靡之事載在四月之後盖因六月之城胥靡而追 之徵也然非公室能張實由陪臣執國命托公以出

火全里车 秋晉人執宋行人樂祁黎 張氏曰諸侯惟宋事晉善逆以懷之猶懼不來而大 政亟行國所由分也 **夫讀貨賄爭權利卒使來者見執叛者得志晉之亂** 孫得臣及此年斯何忌耳遂得臣之並使乃遂却謀 季氏曰春秋書內卿並使者唯文十八年公子遂叔 可不察也 '所起斯何忌之並使乃陽虎專權之所為讀者不 請春秋畧記

冬城中城 季孫斯仲孫忌帥師圍鄆 イナンドル しご 為會也家氏曰齊之取鄆固非為定公者以善辭請 昭三十年鄆潰其不欲附齊者已去其居者遂附于 **凰齊人應其內叛明年遂歸鄆將以修好于魯而求** 齊故至是而圍之也鄆之附齊非其本志故季仲 固備倉猝之變耳 汪氏曰陽虎之徒欲去三家故城中城将挾公以自

齊人執衛行人北宮結以侵衛齊侯衛侯盟于沙公作 七年春王正月 ころいろにはいます 會疾 許氏曰齊鄭之盟叛晉也諸侯始復離盟自是無殷 齊陽為辭會而私于齊侯使執結以侵己而後受盟 衛若畏晉不宜叛之既欲叛之又何畏馬乃使結往 何忌不言何闕文公羊謂譏二名謬甚 之景公方圖復伯自將歸之不應遽用師也赴氏曰 夏四月 讀春火客 秋齊侯鄭伯盟于鹹

大雩 九月大雩 春秋書零惟昭二十五年及此年再見皆主非常之 齊以鄭歸會將以餌魯也而鹹沙之盟魯皆不會干 是與師伐之齊不能自反取鄆之非惟以歸鄆為德 是掩耳盗鈴之計也適以示怯于晉宜其有拔手之 辱矣 而責魯之報魯豈肯心服哉 齊國夏帥師伐我西鄙

タナ月 三月公至自侵齊 ,年春王正月公侵齊公至自侵齊 二月公侵齊 事應盖在王室之亂而魯事次之此年王辟儋顧之 書其事盖闕文 魯欲報西鄙之怨而士無關志故一 **亂處于姑猶至十二月始入王城其亂雖減于前亦** 子朝之餘黨也故沴氣之感猶應于天若此春秋不 侵無功逾月而

というりこと かいまる

讀春秋零記

曹伯露卒 夏齊國夏帥師代我西鄙 公會晉師于瓦 易伐其能久乎 襄陵許氏曰宣公以後用兵則侵多而伐少被兵則 **矣晉之諸卿黨臣而抑君今齊師之來未至危急而** 劉氏曰晉興師救魯不以救書者乾侯之辱因亦甚 伐多而侵少盖魯自中世衰矣而欲與齊構怨以侵 再侵之報怨亦已亟失

侵衛 あくで回載 シュラー 鄭遂侵衛 公至自瓦 葬曹靖公 高氏日為晉興師故書侵與成六年幾傷如侵宋同 書伐衛而已于此見晉伯之衰而不復振也 晉自召陵之後苟有事于諸侯皆書侵唯哀五年 卿以兵赴之此與齊爭伯而非為魯計也 九月葵陳懷公 秋七月戊辰陳侯柳卒 請春秋客記 季孫斯仲孫何忌帥師 晉士鞅帥師

冬衛侯鄭伯盟于曲濮 從祀先公 イングモブ 義 從來不正之事公論所不與者取而正之以邀衆譽 叛晉之謀 晉侵鄭衛鄭衛知晉之無能為也故盟以相結固其 可通者又不得從今而廢古也小人欲有所為必舉 凡傳與經必不可合者不得强經以從傳若其義之 ンデュ

炎ぎ四東を書 盗竊寶玉大弓 說為長 異之而弗絕也臨以昭而非惡也則其科于祖廟也 意也不書僖公者何氏以為無関公言是也馬氏之 必已久矣且稀于莊公書諡此不書昭公則三傳之 說事或有之然的公之藝季氏欲溝絕其墓又欲加 以惡益皆以榮駕舊之諫而止其真也特以墓道别 而收民心陽虎欲去三桓而先正関僖之逆祀亦此 讀春秋零記

家有之所世守之而弗敢取者惟此重器今陪臣得 志在于傾三家非叛君也竊寶玉大弓則書之以寶 至监之招也季氏之謂與書曰盗竊惡夫招盗者也 傅稱陽虎入于誰陽關以叛春秋不書以其叛之初 思奪之矣上慢下暴盗思伐之矣易曰負且乗致冠 之我器魯受之以鎮其所統之諸侯者土地人民三 玉為天子之命主魯受之以鎮其國者大弓為天子 以竊之無政極矣易大傳曰小人而乗君子之器盗

六月葵鄭獻公 くてうこういかり 玉大弓 九年春王正月 宗器自得亦可以見聖人之功用也 中年而齊師為中年人所敗未嘗至五氏也傳言恐 言克夷儀經不書經書次于五氏傳言將如五氏過 伐不果伐故書次盖是時晉雖衰齊衛猶畏之也傅 季氏曰是時孔子已為中都宰故不煩出令致刑而 秋齊侯衛侯次于五氏 夏四月戊申鄭伯 賣春秋四記 五

谷夾公裁 今にプレア とうし 秦伯卒 嬰之為相猶未有大失也與其附晉母寧附齊故來 年春王三月及齊平夏公會齊侯于夾谷公至自夾 未可信 是時晉之權臣擅命政出多門不若齊景之為君晏 作頻 谷之會孔子輔行其籌之必審矣春秋之世伯令不 **行則彼此離合紛紜不常夾谷既會而後孔子之為** 久菜春哀公

晉趙鞅帥師圍衛 AND THE COUNTY 政乎魯者不過三月而齊魯之平終景公之世而不 内志也欲除内難必先平外患而後可其汲汲于平 變晉亦終不以討鄭衛者討魯則聖人之舉動必有 齊者不可謂非聖人之意謝氏曰暨齊平者彼欲平 以大服乎人者傅之所載尚未得其百一也書及者 之平起于下故書人齊魯之平起于上故書國 而我亦欲之也及齊平者我欲平而彼從我也宋楚 讀春秋客記

ノニとノモ 齊人來歸軍誰龜陰之田 也投與狗骨則起而相牙方自關不服何服伐人衛 此時如是則衛亦甚怯矣及晉殺涉伦以謝拔手之 義之不足以服人此書團又見力之不足以服人也 所以堅于從齊復有安甫之會也李氏曰前書侵見 罪而求成衛反不許何也以晉人狗利知其無能為 晉圍衛邯鄲午殺人於門中則午之衛貢五百蓋在 七年齊己)歸鄆九年陽虎叛而以鄆雜奔齊齊復取

師師園部公作 叔孫州仇仲孫何忌帥師圍邸秋叔孫州仇仲孫何忌 とくてもってからす 室家臣即以此拒叔季報施之反理勢然也至于兩 叔氏有邱季氏有費皆大都而耦國叔季以此拒公 違于義此則情與義無不順也 之所願也然材書來歸繼書我入則雖順于情而已 齊者經書歸地者有矣而書來歸者唯初及此皆情 之至是乃來歸也龜陰即汶陽之田成八年魯歸于 讀春秋客記 ナセー

すらんしん かずし 冬齊侯衛侯鄭游速會于安甫安甫公 宋樂大心出奔曹 宋公子地出奔陳 思于君其見出宜矣故皆以自奔為文 是時宋景嬖龍桓魋諸卿皆有去志夫君雖不君臣 不可以不臣大心之避事而偽辭疾地之奪馬而不 次帥師自圍其邑病亦甚矣一書再書所以甚其病 叔孫州仇如

一次で見る主会重ラー 讀者秋暑記 宋公之弟辰暨仲佗石温出奔陳賢下公義 稱公子則亦宋元之子而宋景之同産也及獨能挾 為齊惜也 復桓公之業而不能春秋書其事以為晉惜也亦轉 盟鹹盟沙又為此會雖有晉難而交益固鄭衛之意 凡以弟書者皆其君之所私暱者也地為辰之兄而 其結好于齊者亦深若不復知有晉當是時齊可以 晉也决矣魯自夾谷歸田未及一載又以致即往謝

十有一年春宋公之弟辰及仲佗石疆公子地自陳入于 者实此辰之所以書弟而地則否也三傳皆謂母弟 獨不弟此說之不可通者也暨者同欲之以桓魋故 書弟豈當時之惡習固然春秋書之以為譏與則陳 招何以忽書弟忽書公子且陳招可以書弟鄭段何 其大臣以出則其平日之權龍可知故地之行止自 謂可以必之于君一不見聽即忽而出奔亦近于騎

蕭以叛 San James States 如鄭涖盟 夏四月 奔而書豎者雖有倡和之不同三人猶同志也叛而 也曰吾以國人出君誰與處即已有叛志不待。 書及則惟辰之志而仲佗諸人其脅從者也當其奔 諸侯私盟聖人所不取然修鄰好以息其民亦隨 之後也 秋宋樂大心自曹入于蕭 讀春秋畧記 久文鄭平叔還

衛公盖驅帥師伐曹 なころしたノファル 師墮郈 十有二年春薛伯定卒 身而惟狗君之欲二年之間而再代曹又出於無名 倭犯既避邑而奔齊齊人致印則印己無患可復取 衛靈不能治其家而逞志於弱小公孟殭不能安其 而守也叔孫的師墮之感於聖人之言而樂墮也 義也 夏葵游襄公 叔孫州仇帥

季孫斯仲孫何忌帥師墮費 次で四年という 季氏曰公山不狃前以費叛自召孔子猶有善意故 亦大悖矣 事所必不為 為豈無先事之備何至倉皇登臺像倖一勝乎按哀 **師以再圍乃墮而費之墮則不待圍可見不扱猶賢** 于侯犯也左氏載不狃襲魯之事恐未可信聖人作 年傅吳伐魯不狃帥師故道險以全魯則襲魯之 讀春秋畧記

十有二月公園成公至自園成 秋大雩 たとうして 十有一月丙寅朔日有食之 **敬墮之亦易為为何必以兵事煩公觀襄十六年成** 是時三桓惟孟最弱而懿子兄弟又嘗學于聖人茍 那之城原以備齊則公鼓陽所云墮成齊人必至于 齊魯至是始盟夾谷之會必未盟也故不書盟 門者此亦實語非托詞也成既不可懂則變易守 冬十月癸亥公會齊侯盟于黄、晉侯作 公至自黄

十有三年春齊侯衛侯次于垂岌義無衛侯 beer vant likes 世家十二諸侯年表載女樂事皆在此年孔子世家 傳稱師渡河伐晉河內以無晉師乃止不果伐也故不 汲馬圍之欲乗勝取弱而自以為功夫師費之墮因 誤也 所以不可墮而孔子之施為亦不可復行也史記魯 其叛也成未嘗叛而圍之于是三家之志疑矣成之 宰歸于公室而已施為自有次第而公弗能待也汲 讀春秋零記

メニアナモナ と言言 衛公孟彄帥師伐曹 夏築蛇淵囿 傅言趙鞅奔晉陽晉人圍之是以君命圍之也故首 此决非孔子用事時 書 臣以為齊人已服叛臣己去國家閒暇可以般樂耳 武而已盧陵李氏日此正與受女樂事相類定公君 既菜園而大鬼則大鬼必非畏備之心亦以從禽耀 大萬于比浦 秋晉趙鞅入于晉陽以叛

以入王四事 全世ョ 一 請春秋零記 冬晉荀寅士吉射入于朝歌以叛尚寅下公 專教實為禍始也且晉陽地險兵強恐其據之以作 躁曰三臣始禍而獨逐鞅刑已不均則鞅之書叛以 代公不勝而奔朝歌比于趙鞅則為效尤而更甚馬 亂則為晉之患耳 晉侯聽尚樂之言遂舍鞅而伐范中行氏是范中行 拒君命也夫三臣之罪同而獨加兵于鞅者以鞅之 可伐也鞅未逐而伐之此范中行所以不服也至于 Ī

晉趙鞅歸于晉 吉射之入為拒公則書法亦宜稍有軒輕豈得絕無 范中行逐而趙氏得歸晉之六卿其存者四卿韓魏 日叛臣未有書歸者叛而書歸則佚賊不足言也 與趙合而知氏亦孤三家分晉之本成于此矣陳氏 分别如此 其罪同故書法亦同知趙鞅之入止拒范中行而寅 三卿之叛知際請皆逐之而韓魏獨為趙氏請于是

S ANDING LIGHT 薛弑其君比 **丁有四年春衛公叔戍來奔衛趙陽出奔宋** 華向邾之三叛臣宋之樂大心公子地之屬往往成 周禮冢宰兼統官中亦惟嚴官正官伯之選治之未 此亦闕疑之辭也與晉州浦苔庶其吳僚同 叔戊何如人乃欲去夫人之黨其見逐宜美趙氏曰 亂之先而已既亂而後治之雖古大臣有所不能公 是時諸侯紛擾其大夫三五而奔三五而叛如宋之 讀春秋客也 Ī

歸二月公作三月孫 金がりにた とうこ 月辛已楚公子結陳公孫伦人帥師減類以頓子料 變也 昔被滅于楚幸而得復今不自念其禍反助楚以滅 群今衛之亂公孫戍趙陽北官結亦相繼出奔是宣 頓楚之與國四年晉垂楚亂而合諸侯頓亦背楚從)故楚滅頓以歸者以歸楚耳陳亦與楚同罪者陳 得罪於君相扼不勝魚貫而出此又風俗之

TANK MARKET MICHIGAN IN 夏衛北宮結來奔 公會齊侯衛侯于牽公作聖公至自會 雞父之戰吳以罪人敗楚今越之敗吳亦以罪人此 滅其身自取之耳 適以自訴也書敗而卒猶書門于集卒總之玩兵以 法自吳創之越變而益奇吳遂不及覺然則用許者 國故春秋惡之 五月於越敗吳于樵李吳子光卒 **酶春秋畧記** 盂

さころして とうを 會于洮 故衛欲救之求助于齊為牽之會卒不成救則又為 難不能頻出齊侯以孟故身任朝歌之事為之邀宋 洮之會也 洮雖衛侯不與傅稱會于洮太子前 聞獻 朝歌故衛都後為晉有寅吉射之奔必以朝歌附衛 以忤齊然亦未嘗往救則必辭之于會美三會之書 孟于齊非有求馬何為而獻地乎大抵衛有叔戊之 以共助也宋以蕭之叛恐諸侯或助之故不敢辭會

天王使石尚來歸脈 שיילני ושיישו דוקיוש ו 衛世子削晴出奔宋衛公孟彄出奔鄭 有受脈亦有歸脈也但定公立十四年未當這一介 素固不必復會也 傅云戎有受服又云受服于社周禮大宗伯以服腨 總惡齊之黨叛也傅稱鄭越朝歌此反不會者其亦 于京師而天子千里歸服春秋書此亦大有感矣 之禮親兄弟之國大行人歸脈以交諸侯之福是禮 讀春秋零記

をとうした イニモー 誠敬以悟之宋朝身處羈旅亦可假他事以殺之也 事親不知有隱無犯之義也南子知慕孔子自可積 見者與書出奔不同也使蒯晴果有弑母之事不去 情或疑楚商臣蔡般皆書世子不知此不待貶而惡 常山劉氏臨江劉氏皆謂蒯膭無弑母之事乃南子 若唐太子重俊之殺武三思其義則正其事則逆亦 世子則無以見其大惡矣其書世子出奔特以太子 惡其規已而讓之故春秋不去其世子此說頗為近

大萬于比浦都子來會公 宋公之弟辰自蕭來奔 未知春秋之權衡耳公孟福事無道之主既不能格 來奔則亦識魯之納叛也 張氏曰鬼而都子來會則公親蒐矣而不書公以軍 又不能去其見逐也又將誰咎故亦以自奔為文 二書宋公之弟始終識宋公也辰既以叛書而此書

大王四里にす

政不屬公也盧陵李氏日蕭叔朝公于穀都子會公

讀春秋畧記

鼷鼠食郊牛牛死改卜牛 城吕父及霄 **十有五年春王正月邾子來朝** 汪氏曰以去年來會為未成禮故復來朝未幾又來 于比浦非其所也 奔喪其里屈亦已甚矣 以鼠食牛致死其為災異顯然不知戒而改卜是以 時而城二邑勞民甚矣無冬闕文

大己のはこれす 夏五月辛灾郊 月辛五楚子滅胡以胡子豹歸 復振而諸侯皆畏之也故減頓復書大夫滅胡復書 楚子胡歸姓昭公之母曰胡女敬歸路史以為姬姓 去年滅頓今年滅胡所以報召陵之怨也召陵之十 天變為不足畏也 國助楚者有矣卒無一人起而救頓與胡者是楚 壬申公薨于高寢 讀春秋畧記

邾子來奔喪 教之義也然宋雖會洮而朝歌之我宋不與而鄭與 蕭奔鄭鄭城其三邑以居馬事見哀十二年傳此書 鄭宋間有隙地相與盟曰勿有是宋公子地之屬自 馬故齊衛之親宋不如其親鄭也書次不書救不果 伐之者宋必來争故伐之鄭黨叛臣以伐其君齊衛 于殺也齊衛之趨義不如其趨利也 齊侯衛侯次于渠除公作

なしとして とうこ

大字可是八子司一 秋七月壬申姒氏卒惟義 八月庚辰朔日有食之 諸侯不親會葵何况奔喪非禮甚矣都自的公之世 喪公私誠偽情有不同其為非禮則一也 為魯所虐定公為拔之盟終其世不犯故來會來朝 來奔喪實感其他也與宣公之奔齊喪成公之奔晉 其母故卒不稱夫人奠不稱小君 奴氏者哀公之母定公之妾哀公以喪在殯未及尊 請春秋客記 九月滕子來會莫

辛已矣定姒 くだとして クラード 了已葵我君定公雨不克葵戊午日下是乃克葵 家之謀也 故城之固其所已得者而後可圖其所未得者此三 漆即都底其邑襄二十一年以之來奔者今將伐都 天之降罰與敬贏同其得位不以正也 **春秋畧記卷十** 冬城漆

欽定四庫全書 元年春王正月公即位 蔡實未遷也故書園而已胡氏以為書園而稱爵者 蔡人男女以辨楚使疆於江汝之間是楚欲遷蔡而 恕楚之辭非也楚之書爵非予之也所以傷中國之 讀春秋畧記卷十二 哀公 楚子陳侯隨侯許男園祭 朗 **朱朝瑛**

ところ車ときる

讀春秋零記

不振也家氏曰入郢而鞭平王之尸者吳也蔡不與

殿泉食郊牛攺ト牛 封之 春秋奚取哉杜氏曰定六年鄭滅許此復見者盖楚 宣公忘天子之喪哀公忘親之喪其罪同而此年改 滅胡今又以兵加于蔡其志在於蠶食小國以為利 馬楚不能報之于强吳而乗中國無伯摟二三小國 卜之牛不復災者魯君遇災多不知戒故天之示儆 以釋憾于蔡謂之復仇而仇卒不能復也前年滅頓 夏四月辛已郊

冬仲孫何忌帥師伐邦 年春王二月季孫斯叔孫州仇仲孫何忌帥師代邦 乎窮 齊衛助叛何以稱伐必以衛貢五百為名而聲趙鞅 齊侯衛侯伐晉 日以陳而魯君之越禮日以甚矣 之不 足以復伯王法亡而伯令亦亡春秋之變於是 罪也以晉之受伐見晉伯之衰以齊之助叛見齊

Para Line

讀春秋零記

盟于句釋 インドノモア くきも 取漷東田及沂西田癸巳叔孫州仇仲孫何忌及邾子 措自然求成納路之不服矣三家共取田而以二人 使不至叛而它去此其龍絡之術也 盟者季孫為主示威以懼之叔仲為輔示徳以康之 而不為備然後出其不意以大師總之都必寫皇失 有君何知有鄰好哉先之何思以弱者嘗之使易我 **邾之事 唐厚矣然所厚者君也三家食而自用不知**

晉趙鞅帥師納衛世子蒯聵于戚 夏四月丙子衛侯元卒 **郵之立穀梁以為受之王父亦未必不然使無王父** 委於所可立使母失社稷已耳乃以父子爭國而求 命而蒯聵得仍稱世子者既立其子則其罪未至於 **餐絕也蒯聵不得違父命而君其國輕不得恃王父** 之命則夫子之不為衛君豈待問哉然輙有王父之 一命而遺其父惟以夷齊之處兄弟者處父子之間 讀春秋界犯 滕子來朝

敗績 金少世屋と 秋八月甲戌晉趙鞅帥師及鄭罕達帥師戰于鐵鄭師 者故結范中行以樂鞅雖曰兩事實一情也所以蒯 **瞶之善兵也是役也鄭亦為衛樂鞅而已然不免於** 晴亦在行間思得一當以報晉耳齊人輸栗不自送 趙鞅惡衛之救朝歌故因蒯聵以亂衛鄭則黨於衛 助于他人天理人 而使鄭 人者辣浦之役溝趙鞅為易與而不虞蒯 人情澌滅盡矣

冬十月葵衛靈公 十有一月蔡遷于州來 大夫公子駟 2 Man Drawn Little i 鞭尸處官之辱楚不能報之於吳必將報之于蔡察 助臣之叛君助子之拒父較之趙鞅悖尤甚馬宜其 也 敗也春秋則以趙鞅主是戰者致亂之由鞅實為之 可能吳師既入勢自不得不遷然既決計于遷則吳 "建楚固不如其,遭吳也即欲效死勿去亦非名卒 讀春秋思記 蔡敍其

二年齊國夏衛石曼姑帥師圍戚 有由然也 書殺者言既失其國又失人心不旋踵而身受其福 其事之有無皆不必論已報之天性已滅然莫為之 亦已甚矣故傳言殺公子駟而後遷經先書運而後 テロノノーモー 助猶畏大國之議其後未必悖亂至此故曼姑主兵 以子拒父至于與師則靈公之命之與削膭之謀弑 之怒亦可以善辭解也何必殺執政以説蔡之無謀

A S. Jan Maria 夏四月甲午地震 五月辛卯桓宫僖宫炎 城歸宋也戚不書衛不以子制父也 衛事以齊首兵者惡齊之助逆也故彭城書宋以彭 而春秋首國夏者盖以此也盧陵李氏曰此與宋華 下自天子命之而後可魯廟之親盡而不毀者有桓 得選擇祖宗固非然諸侯之有世室必有功徳於天 商之三宗周之世室皆有經典明文胡氏以子孫不 兀圍宋彭城相對宋事以晉首兵者善晉之討逆也 讀春秋客記

さんだしん とう 秋七月丙子季孫斯卒 宋樂髡帥師伐曹 季孫斯叔孫州仇帥師城敢陽本公 薛氏日討樂大心之亂也 敢陽在今沂州魯取沂西田敌城之以備邾也 之災之所以譴三家也 官僖官親盡而復立者有楊宮武宮皆不足以當此 不災場武而災桓僖者三家皆出於桓而立於僖天 卷千二 蔡人放其大夫公孫獵于吳

している。 これがる 冬十月癸卯秦伯卒 圍之也 斯卒邾必恃叔仲之盟而不為之備故乗其不備而 句釋之盟季孫不與都畏季孫而親叔仲英及季孫 胥甲父公孫 獲獨以放書無可責馬之辭也 獵者公子即之黨蔡既殺即以為說于吳矣猶懼吳 怨之未解也復放其黨于吳使吳得自治之耳其怯 已甚故書人以放微之也凡大夫見逐皆書出奔而 讀春秋客記 叔孫州仇仲孫何思帥師圍邦

弄吳 すらしたという 四年春王二月庚戌盗殺蔡侯申梭公義祭公孫辰出 楚之強齊晉不能制察的用吳以亂楚而楚為之大 因不敢報怨於蔡者十二年蔡於斯時能內修其政 非暖翩也賤蔡昭也賤蔡昭者以失人心而賤之也 教死守之自可以固吾圉也既受制于吳而失其國 凡大夫弑君君雖無道無不書大夫名公孫翩書盗 **詠逐其臣而大失人心至於變起倉卒而莫為己**

葵素惠公 夏蔡榖其犬夫公孫姓公孫霍 Janorana Litary 17 出奔吳則辰與聞乎殺矣杜氏曰昭侯為文侯玄孫 救是一 匹夫而已故以盗殺書之以為不能自强者 事不可考書執惡宋也 而同名必有一誤 則夫人慶父與聞子弑矣書盗殺蔡侯申蔡公孫反 之戒陳氏曰書君薨夫人孫于邾公于慶父出奔莒 宋人執小邾子 演表火思し

晉人執戎蠻子亦歸于楚審公 金儿里是多 春秋書此惡其以伯國之遺不能外楚而及為楚役 子則為楚而執之故曰歸于楚不必京師乃書歸也 晉文執曹伯不為宋而執之故曰界宋人此執戎蠻 自以為無罪故不去而見殺 書國以殺而不去其官則非盗黨可知公孫者皆翩 之族也辰必與聞乎弒故懼而出奔姓與霍不與聞 卷十二

城西郭 荚滕頃公 STORY STORY 五年春城毗公作 武王滅殷使諸侯各立殷社而屋之以為亡國之戒 陳氏曰殺公孫翻不書以為盗則不足討也莫蔡的 大之火之 以魯之忘戒與 公則書以為盗殺則不必不奠也 月甲寅滕子結卒 冬十有二月葵蔡昭公 六月辛丑是社災俸 讀春秋畧記

夏齊侯伐宋 人がんした とうし **晉趙鞅帥師伐衛** 去年城西邪此年城毗杜氏皆以備晉蓋晉方伐衛 妄圖何益 洮之會至此六年未有衅端齊忽與師伐宋豈以宋 衛在魯西故有震鄰之懼也 **輙以子拒父而趙鞅伐之師出庶幾有名故晉自侵** '伐曹執小邾子故託是討之以圖伯與齊景耄年

景公 六年春城邦瑕公作 秋九月癸酉齊侯杵白卒作處冬叔還如齊閏月葵齊 畏魯不敢復爭魯之甲都無所復忌皆可見矣 繁瑕于都書城而不書取又不書大夫帥師則都之 孫氏曰喪事不數閏月以閏月莫非禮也 劉氏曰喪以年衙者不以閏數以月衙者則以閏數 楚之後凡加兵於中國者惟此書代

be the state of th

讀春秋零記

吴伐陳 晉趙鞅帥師伐鮮虞 齊國夏及高張來奔 張氏曰高國為齊世臣齊景廢長立少不能諫止乃 吳之入楚嘗召陳侯不至而怨之今已十六年矣而 其實亦利其土地耳 晉之伐解虞者至是而五矣此雖以范氏之亂為名 復修信怨者以其附楚也

イング ヒアノニョー

君茶公作 文之日事全事! 秋七月庚寅楚子較卒 叔還會吳于祖 弑君者朱毛也使之者陽生也陽生之入則由於陳 吳惠矣 從君于昏受其顧命力又不足以衛上委之而逃故 書奔以罪之 **魯政不修務與吳親以資其力君子於此知其必有** 讀春秋客記 齊陽生入于齊齊陳乙弑其

冬仲孫何忌帥師伐都 魯之伐都宋之伐曹不滅不已春秋備書以者其惡 專主陳乞則以弑君為乞之本謀此春秋誅意之法 知也 也觀陽生以君二多難告陳乞而乞不對則其意可 子所謂待貶而惡見者貶絕以見惡也于茶之弑也 陽生則陽生之罪又不明故于陽生之入也去其公 乞也以哉君主陽生則陳乞之罪不者不以弑君主 宋向巢帥師伐曹

七年春宋皇瑗師師侵鄭 A CHARLY THE BOY 晉魏曼多帥師侵衛 趙鞅前書伐衛矣此復書侵者其志不在討輛而在 宋必復親晉以求援故此之侵鄭以叛晉為名其審 洮之會宋亦叛晉矣何以責 鄭盖自齊侯伐宋之後 此報定十五年罕達之師也左氏以為鄭叛晉故夫 不足以服鄭故不書伐而書侵 則討鄭之納叛也不以納叛為名而以叛晉為名反 讀春秋零記

夏公會吳于郎賴作 今にプロだ くいっこ 秋公代都八月己酉入邾以邾子益來 魯之會吳者再矣魯會而諸侯莫有與者則諸侯皆 薛氏曰伐邾本三家之志今公自為之三家歸功於 上實歸過於上也 辭尊居甲則一進之舍是則未嘗進之也 外之可知也故春秋終書國號而已黄池之會以其 于仇范中行故義聲不足以服人也

宋人圍曹 八年春王正月宋公入曹以曹伯陽歸 曹之臣民猶據其國以侍赦未嘗服宋十四年傳向 高氏曰鄭與曹陳汝曹非志於義欲報皇暖之師也 謝氏曰曹病于宋久矣大國莫之援僅見于鄭安得 魋入於曹以叛是曹未服之証也故書入而不書滅 宋之入曹猶魯之入邾其國未滅也雖以曹伯歸而 不書数以予之 冬鄭即弘帥師教曹

- Carlotter de 1

讀春秋零記

吴伐我 オーピノモア 人こうし 動也後且執其君而擾亂其國何足言殺乎謝氏曰 家氏曰不書救都者茅夷鴻以利說吳吳說於利而 之結怨於鄰者深也吳雖無怨以邪人激之故也與 四鄙者唯此年之吳與十一年之齊以伐我書見曹 國魯則别而書之所以詳內事也哀公以前無不書 不至國都則書其鄙至國都則書代我按外伐惟書 以存曹也

闡 夏齊人取雜及闡母婦部子益于都 そこうれいまう 一 秋七月 吳盟不書諱城下之盟也所謂內大惡諱者惟見逼 懼即善者機也春秋樂與人為善故書以嘉之 齊問魯難取其二邑亦為都也會懼齊與吳合而討 於強大不得已而為之者則諱之非是則弗諱也)故歸都子不得已耳豈真能悔過哉然見難而知 冬十有二月癸亥把伯過卒 讀春秋零記 +=

をうけんしん とうこ 九年春王二月葵杞僖公 也亦必以都子之歸為名聖人嘉其歸田之實即與 齊之取誰聞也左氏以為季姬未歸故齊以為討其 事或有之然其取之也必以邾子之執為名其歸之 書來比于耶雜龜陰則非感於義也書歸不書我比 歸讙闡也左氏以為季姬歸而嬖故因季姬而修好 以存都之名有所不靳無非成人之美而已書歸不 于濟西則非狗乎私也 宋皇瑗帥師取鄭師于雍

丘 **盧陵李氏曰觀左氏所載使有能者無死而止以**

其禍之大者是也隱十年鄭莊所伐取者三國甘書 則猶未至於取師也 歸則殺人多矣春秋之末取師者二謝氏所謂者

夏楚人伐陳

六年吴伐陳楚救之不克何怪乎陳之即吳而伐之

數數不已宜陳之終不服也

久下,日本人上司一人

讀春秋畧記

公會吳伐齊 冬十月 秋宋公伐鄭 からとくして たっち 忘魯怨而來奔亦大可憫矣 魯虐都而吳救之乃吳之虐都也更甚於魯都所 年春王二月邾子益來奔 既取雍丘之師以鄭為易與始聲其納叛之罪君親 師以討之故前書侵鄭至是書代

夏宋人伐鄭 ったいりいったいは 三月戊戌齊侯陽生卒 僖嘗用楚代齊猶曰借之以釋憾今既與齊平矣而 志故三日哭于軍門之外益以舟師自海入齊則弑 智也 君之言出自吳人齊人實未嘗弑君也 吳因齊候之卒欲加以弑逆之名窮兵深入一逞其 會吳伐之直為吳役而已棄親戚而長寇雙何其不 晉趙鞅帥師侵齊 讀春秋畧記

一生とうにたノンショー | 吴救陳 衛 五月公至自伐齊 薛伯夷卒 **廬陵李氏曰乘吳之亂伐齊之喪無名甚矣故書侵** 復奔齊 歸于衛必從輒而棄蒯聵也故十五年蒯聵入國彄 書歸易詞也蓋輒納之盧陵李氏曰彄蒯瞶之黨今 作寅秋葵薛惠公 **冀齊悼公** 冬楚公子結帥師伐陳 衛公盖强自齊歸于

十有一年春齊國書的師伐我 久で可報します 特以著世道之變而已諸侯之所外不嫌于文與之 而實弗敢進也則以著世道之未冺而夷夏之防猶 號者當時諸侯之所進春秋因而進之而實弗與也 而吳救則書惡楚之虐小也然楚書大夫而吳舉國 六年吳伐陳而楚救不書不予楚之救也今楚伐陳 傳稱師及齊師戰於郊是齊師直逼魯之國都矣盖 有存焉者也 讀春秋思記

夏陳轅頗出奔鄭韓公 自反之詞非也横逆之來皆宜自反何必于此 其柔而好剛取禍之重也哀公之謂與胡氏以此為 也故書代我易曰眇能視跛能履履虎尾咥人本言 者益強我曲而弱者益弱齊所以逼國都而不能禦 魯之伐齊無名而會吳以伐尤 出於不義彼直而強 襄陵許氏曰書轅頗之奔以為人臣附上而刻下託 公以營私者之戒也

師敗績獲齊國書 五月公會吳伐齊甲戍齊國書帥師及吳戰于艾陵齊 衛世叔齊出奔宋 秋七月辛酉滕子虞母卒 冬十有一月龔滕隱公 A.Jana Artum 罪其輕戰也 知必敗國書不能堅守以坐因之乃以伐魯方歸之 **盧陵李氏曰吳伐齊而以齊國書主此戰者齊人皆** 疲兵逞志于一朝之忿師敗身獲為國大辱春秋深 讀春秋畧記

十有二年春用田賦 不合竊嘗會其意而通之國語所云籍田以力而砥 田賦之説諸家紛然胡氏証據國語其説為長然左 氏載孔子之言謂度於禮丘亦足矣其義似與國語 理夫子何以稱之左氏固未可信 齊之出事由孔文子齊固不肖而文子所為亦無人 大夫始則相猜相思終則相攻相逐也按傅稱世权 髙氏曰春秋之末何大夫出奔之多也盖是時政在 卷十二

金げにをといる

文字 日主人子与 一 讀春秋暑記 惟通一丘以為計則有或不供之里無或不供之丘 國語所云賦里以入而量其有無者即孟子所云布 故曰丘亦足也魯雖變法古意猶未盡亡今兵與日 鰥寡狐疾皆不得免是之謂用田賦詩云哿矣富人 煩戶口凋落賦里之法遂壞而一切取之于田于是 征也户調之不齊有不可盡在者鰥寡孤疾則免之 縷之征後世所云戸調也田租之入雖有上下無不 其遠遇者即孟子所云栗米之征後世所云田租也 公會吳子索車 秋公會衛侯宋皇瑗于郎公作 夏五月甲辰孟子卒 輕之其卒也不稱夫人其奠也不稱小君春秋亦多 同姓不可請命耳既不命于天子哀公君臣遂得而 禮雜記云夫人之不命于天子自昭公始也盖以其 哀此覺獨春秋所謂譏也稅畝書初丘甲書作此書 用者猶用郊之用不度可否而用之也 其實而已

子にプレア

久了日本江南 宋向巢帥師伐鄭 為之會宋衛合之以從吳吳主中夏魯為之也按傅 破錫圍出直取叛人于所居之地是謂忽兵而已 書竊盟也 趙氏曰吳敗齊師魯以為徳故復會之修前好也又 宋取鄭師而後又伐鄭者三而叛人終不可得于是 吳其會也出于一時之權故為魯諱之也三國盟不 言三國會吳經不書者辭吳而自為盟諸侯猶能外 讀春秋客記

冬十有二月螽 左氏之妄而又托之聖人其不可據如此以授時歷 年三月又不得有戊戌其間已置一閏無疑以此知 書螽以其不時而恒燠之徵也左氏以為失閏非也 甲辰十一年五月之甲戊既在二十三四之後則十 以三年内所書月日推之自十一年五月甲戌至十 年五月甲辰為三百三十一日是必甲戍之日在 年五月二十三四之後則十二年五月始得有

十有三年春鄭罕達師師取宋師于嵒 夏許男成卒成公 推應閏十一年二月與春秋之月日合 著吳之善惡而以著諸侯之得失也惟此之書爵則 號者因諸侯之外之也凡吳之佹進而促退者非以 向者吳當以野書矣因諸侯之進之也其後仍舉國 道好還抑亦人事所不免也 宋取鄭師鄭亦取宋師佳兵不祥不戢自焚非獨天 公會晉侯及吳子于黃池

次正四事之十一 · 讀春秋喜記

室無二王君岩無甲天子而干其不祥而曰吳公敢 有不同穀梁氏曰吳子進乎哉遂子矣辭尊稱而居 去其借號以自進于中國春秋因而書爵則此之書 吳方有越難恐晉乘之以王命合諸侯而軋己也遂 不順從君命吳王許諾乃就幕而會趙鞅數語雖屬 飾詞然義甚正大固桓文當日所以責楚者無是也 **里稱以會乎諸侯以尊天王國語云趙鞅謂吳夫差** 日命主有命固曰吳伯不曰吳王夫諸侯無二君周

於越入吳 楚公子申帥師伐陳 畏吳也 高氏曰楚嘗伐陳而吳救之今乗吳之出會而伐之 與其退也聖人之恕以待人引人于善如此左氏稱 單平公在會經不書恐未可信國語亦無之 爵者盖實進之而非徒以其文也故首晉侯而又書 及以為晉侯功此亦春秋之特筆所謂與其進也不

文定日車全書 一

請春秋思記

莫許元公 九月螽 秋公至自會 故耳故終書侵 衛自不能不服晉不知出此而數與師祇以范中行 蒯聵在戚十二年矣晉能以大義責衛以至情動衛 而懼乃去其僣號以結好中國亦何及哉豫之小過 吳恃勝而驕自謂真敵黄池方會而越人垂之聞敗 日肝豫悔運有悔書入吳于黄池之後言悔運也 晉魏曼多帥師侵衛公無 冬十有一月有星字于東方

盗殺陳夏區夫區公 十有二月螽 殊謬 與盗殺鄭公子縣同義皆所謂負且乗致冠至者也 星字東方者東方悖亂田氏篡齊越人滅吳之徵也 于書無水書李梅實之類也劉向以此為恒寒之罰 所生亦必有傷于物如宣十五年冬書蝝生自不同 九月之螽以害稼書十二月之螽以恒燠書然害氣

|大王日事人子言 ||

讀春秋客記

十有四年春西狩獲麟 曲之深心止者維持之大力觀象者觀此消息盈虚 復也雖不幸而被獲天地之心終不可限剥之傅曰 之象也士君子身處亂世不以利害動其心觀剥之 順而止之觀象也君子尚消息盈虚天行也順者委 有仁獸生于其間即此可以見天地之心剥窮而必 此篡弒紛挈侵伐縱横之世蜚蛾發螟不絕于書而 麟者仁獸周南訴之禮運云聖王之世麟在郊椒當

スンドノモ

という中からかる 之麟亦為瑞應矣故夫伯者之尊王亦其天地之心 于此故以此終馬首年書元亦此義也元者善之長 見于剥窮之日者也聖人為之別擇而表章之委曲 宇宙問春秋為之兆矣聖人知天立命之學大要在 王狩于河陽此書西狩獲麟儼然聖明御世太和在 以維持之所為撥亂世反之正者用此道也前書天 上九而知柔中有不變之剛委曲以維持之則消者 可以復息虚者可以復盈不食之果族見朋來既獲 讀春秋畧記

そうピノモ ブーグ・ブラファ 即天地之心人君賛化罔不在初而已